



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Swydd:

Meddyg Arbenigol mewn Radioleg – Cyffredinol gydag un is-arbenigedd neu'n fwy

Ymrwymiad sesiynol:

10 sesiwn yr wythnos

Prif Ysbyty:

Un o dri safle yn BIPBC

Gwybodaeth Ychwanegol:

<https://bipbc.gig.cymru/>

Manylion cyswllt ar gyfer ymholiadau am y swydd hon:

Dr Kakali Mitra – Radiolegydd Ymyriadol Ymgynghorol ac

Arweinydd Clinigol, Radioleg, BIPBC, BIPBC

01248 384690

Kakali.mitra@wales.nhs.uk

Dr Muhammad Aslam - Patholegydd Ymgynghorol a
Chyfarwyddwr

Gwasanaethau Clinigol a Reolir Gogledd Cymru

01745 448790 est 2950

Muhammad.Aslam3@wales.nhs.uk

Cyflwyniad

Gwahoddir ceisiadau am 2 Feddyg Arbenigol mewn Radioleg. Mae'r adran wrthi'n recriwtio radiolegwyr mewn is-arbenigeddau amrywiol i ymdopi â'r cynnydd yn y galw.

Bydd yn ofynnol i'r ymgeiswyr llwyddiannus gyfrannu at y llwyth gwaith cyffredinol sy'n cynnwys ffilm plaen, sgan CT ac uwchsain. Bydd adroddiadau Cyseinnedd Magnetig yn cael eu hannog os bydd gennych hyfforddiant addas Byddwn yn annog datblygiad tuag at unrhyw ddiddordebau arbennig fel Oncoleg / Cyhyrysgerbydol / Radioleg Gastroberfeddol / Wroleg a'r Fron.

Mae hyfforddeion yn y Bwrdd Iechyd o Gynllun Hyfforddiant Radioleg Gogledd Cymru, Deoniaeth Cymru. Bydd disgwyl i'r ymgeisydd llwyddiannus gymryd rhan wrth addysgu a hyfforddi'r hyfforddeion.

Byddai deiliad y swydd yn gweithio'n hyblyg lle y bo'n ofynnol i gyflawni gofal ansawdd uchel a helpu i gyrraedd targedau lleol a chenedlaethol. Mae angen bod yn gyfrifol gydag eraill am wneud y defnydd gorau posibl o adnoddau.

Mae'r swydd yn hyblyg ac wedi'i lleoli mewn un o dri ysbyty ond mae'n bosibl y bydd angen cynnal rhai sesiynau yn yr Ysbytai Cyffredinol Dosbarth eraill. Bydd cymorth i deithio (mynediad i gar a rennir / costau teithio) ar gael. Bydd disgwyl i ddeiliad y swydd weithio'n annibynnol, heb fawr ddim goruchwyliaeth mewn meysydd penodol. Felly, mae'n ddymunol i'r ymgeisydd fod wedi cwblhau FRCR a bod ganddo brofiad digonol mewn delweddu trawsadrannol. Fodd bynnag, rydym yn fodlon cefnogi ymgeiswyr sy'n awyddus i gwblhau'r FRCR yn ystod y penodiad hwn.

DISGRIFIAD SWYDD

Dyletswyddau Clinigol:

Gofynion yw'r dyletswyddau a amlinellir isod, ond nid ydynt yn bendant a gellir eu newid yn unol ag anghenion y gwasanaeth drwy drafod â deiliad y swydd.

1. Gweithio fel Radiolegydd Cyffredinol gyda chymwyseddau mewn adroddiadau Ffilm plaen, delweddu trawsadrannol, uwchsain a chyseindedd magnetig os bydd gennych hyfforddiant digonol.
2. Cyfrannu at ddatblygiad y gwasanaeth delweddu cyffredinol i gefnogi'r Bwrdd Iechyd i sicrhau y caiff cymorth diagnostig ansawdd uchel ei ddarparu drwy'r wythnos, gan gynnwys sesiynau mewn adroddiadau ffilm plaen ac uwchsain.
3. Bydd y swydd hon wedi'i lleoli mewn un o dri ysbyty yn BIPBC, ond mae'n debygol y bydd ymrwymiad ar draws safleoedd.
4. Gweithio'n hyblyg gyda chydweithwyr i gefnogi rheolaeth amserol o argyfyngau a chleifion mewnol.
5. Cyflawni cyfran briodol o'r rota ar alwad ar gyfer delweddu brys, dan oruchwyliaeth Meddyg Ymgynghorol.
6. Sicrhau y caiff safonau eu cynnal a'u datblygu drwy ymgymryd ag archwiliad clinigol, ymchwil seiliedig ar dystiolaeth ac arfarniad.
7. Bod yn gyfarwydd â chwricwlwm y Coleg ar gyfer hyfforddiant i feddygon iau a chyfrannu at eu gofynion hyfforddiant, gan gynnwys sesiynau tiwtorial, addysgu wrth weithio, arfarnu ac asesu.
8. Cyfrannu at hyfforddi israddedigion ac uwch-ymarfewyr radiograffyddion.
9. Cynnal datblygiad proffesiynol personol yn unol â gofynion Coleg Brenhinol y Radiolegwyr a'r Cyngor Meddygol Cyffredinol.
10. Cytuno ar gynllun swydd blynyddol gyda'r Arweinydd Clinigol mewn Radioleg.
11. Cymryd rhan mewn arfarniadau blynyddol.
12. Gweithio mewn partneriaeth â chydweithwyr yn yr Adran Ddelweddu.
13. Cyflenwir dros gyfnodau absenoldeb Cyd-feddygon Ymgynghorol yn unol â'r trefniadau y cytunwyd arnynt yn yr Adran.
14. Cymryd rhan mewn rota gyda'r meddygon ymgynghorol sydd eisoes wrth eu gwaith i ddarparu gwasanaethau delweddu brys dros y penwythnos.
15. Gall cynlluniau swydd unigol newid yn dibynnu ar yr amgylchiadau, a thrwy gytundeb. Rydym yn cydnabod gwerth hyblygrwydd wrth reoli achosion brys ac absenoldeb cydweithwyr, a'r angen i adolygu'r cynllun swydd unwaith y bydd yr ymgeisydd llwyddiannus wedi dechrau.

Addysg a Hyfforddiant:

Mae'r Canolfannau Ôl-raddedig yn y tri safle Ysbyty Cyffredinol Dosbarth lle gall deiliad y swydd gael ei leoli ynddo yn cynnwys nifer o ystafelloedd seminar a darlithio gyda chyfleusterau taflunio LCD ac amrywiaeth o offer clyweledol arbenigol. Ceir hefyd llyfrgell llawn adnoddau ac ystafell gyfrifiaduron. Ceir llyfrgelloedd Radioleg yn yr adrannau Radioleg a stoc gyfredol o gyfnodolion Radioleg.

Mae Ystafell Seminar Radioleg yn yr adrannau delweddu sydd â System Gyfathrebu ac Archifo Darluniau, taflunydd, cyfarpar modern ar gyfer cyfarfod yn lleol a thrwy fideo-gynadledda.

Mae'r Bwrdd Iechyd yn ymrwymedig i gynnal a datblygu'r ddarpariaeth addysg feddygol a radiograffig ac i ddarparu hyfforddiant ôl-raddedig ac israddedig ansawdd uchel.

Bydd disgwyl i ddeiliad y swydd gymryd rhan yn y rhaglen addysgu ôl-raddedig a bydd yn ofynnol iddo addysgu aelodau staff eraill, gan gynnwys radiograffyddion.

Datblygiad Proffesiynol Parhaus, ac Addysg ac Arfarniad Meddygol Parhaus

Bydd deiliad y swydd yn gyfrifol am ei ddatblygiad proffesiynol parhaus ei hun a chymryd rhan mewn gweithgareddau addysg feddygol barhaus yn unol â gofynion canllawiau Coleg Brenhinol y Radiolegwyr i gynnal safonau perfformiad.

Bydd disgwyl i ddeiliad y swydd ymroi i'r cysyniad dysgu gydol oes a llunio a chynnal Cynllun Datblygu Personol mewn cytundeb â'r Arweinydd Clinigol mewn Radioleg.

Gwneir arfarniadau ar gyfer meddygon meddygol ar-lein trwy wefan arfarniad meddygol MARS. <https://medical.nhswalesappraisal.org.uk/>.

Byddai cymorth ar gyfer arfarnu ac ail-ddilysu'n cael ei ddarparu gan y Bwrdd Iechyd trwy swyddogion dynodedig.

Os bydd yr ymgeisydd llwyddiannus am fynd ar drywydd CESR tra yn y swydd er mwyn gweithio tuag at ddatblygu gyrfa fel meddyg radioleg ymgynghorol, bydd cymorth i'w gael gan yr adran. Mae gennym hanes o ymgeiswyr llwyddiannus.

Rheoli ac Arwain:

Mae'r holl staff yn yr Adran yn atebol ar lefel reoli i'r Prif Weithredwr a'r Cyfarwyddwr Meddygol, y Cyfarwyddwr Meddygol Gofal Eilaidd drwy

Gyfarwyddwr Clinigol Gwasanaethau Clinigol a Reolir Gogledd Cymru trwy Arweinydd Clinigol mewn Radioleg BIPBC.

1. Bydd deiliad y swydd yn gweithio o fewn fframwaith y Bwrdd Iechyd ar gyfer Llywodraethu Corfforaethol gan gynnwys rheolau sefydlog, cyfarwyddiadau ariannol sefydlog a gweithdrefnau ariannol.
2. Cyfrifoldeb corfforaethol ac unigol am reolaeth a goruchwyliaeth broffesiynol meddygon sy'n hyfforddi.
3. Cyfrifoldeb parhaus am ofal y cleifion yn eich gofal drwy gydgyssylltu â chyd-ymgynghorwyr ac am weithrediad priodol yr adran yn unol â pholisïau gweithredol a'r Cynlluniau Strategol (fel y cânt eu diwygio o bryd i'w gilydd).
4. Mae pob aelod o staff clinigol yn atebol ac yn gyfrifol am ei gymhwysedd clinigol ei hun a dylai gyfyngu unrhyw weithredoedd i'r gweithredoedd hynny yr ystyrir ei fod yn gymwys i'w cyflawni. Mae hefyd yn ofynnol i staff clinigol gydymffurfio â gofynion eu sefydliad proffesiynol mewn perthynas â goruchwyllo.
5. Mae gan yr holl staff cymwys gyfrifoldeb am oruchwyllo staff anghymwys/iau a myfyrwyr o ddydd i ddydd i sicrhau bod y cleifion yn cael gofal priodol ac yr eir i'r afael ag unrhyw gamau gweithredu anffafriol.
6. Bydd disgwyl i ddeiliad y swydd weithio'n agos gyda'r meddygon ymgynghorol sy'n bodoli i ddatblygu'r gwasanaeth delweddu, er mwyn cynnwys trefniadau traws-gyflenwi.

Cyflog ac amodau gwasanaeth:

Mae'r swydd yn destun Amodau a Thelerau'r Gwasanaeth - Meddyg Arbenigol, Amodau Gwasanaeth Cyngor Staff y GIG a hefyd Rheoliadau Pensiwn y Gwasanaeth Iechyd Gwladol.

Oherwydd natur gwaith y swydd hon, mae wedi'i heithrio o ddarpariaethau adran 4 (2) (1974) O Ddeddf Adsefydlu Troseddwyr 1974, yn rhinwedd Deddf Adsefydlu Troseddwyr 1974 (Gorchymyn Esemptiad 1975).

Felly, nid oes hawl gan ymgeiswyr i beidio â datgelu gwybodaeth am gollfarnau, gan gynnwys y rheini sydd, at ddibenion eraill "wedi darfod" o dan ddarpariaethau'r Ddeddf, ac, y mae'n ofynnol iddynt ddatgelu collfarnau, gan gynnwys y rhai sydd heb eu penderfynu eto, i'r Ymddiriedolaeth. Bydd methiant i ddatgelu gwybodaeth o'r fath yn arwain at eich diswyddo neu at gamau disgyblu.

Bwrdd Iechyd Prifysgol Betsi Cadwaladr

Ffurfiwyd Bwrdd Iechyd Prifysgol Betsi Cadwaladr ym mis Hydref 2009 a hwn yw'r sefydliad iechyd mwyaf yng Nghymru. Mae'n darparu ystod lawn o wasanaethau sylfaenol, gwasanaethau cymunedol, gwasanaethau iechyd meddwl a gwasanaethau ysbyty aciwt i boblogaeth o oddeutu 676,000 yn y chwe sir yng Ngogledd Cymru (Ynys Môn, Gwynedd, Conwy, Sir Ddinbych, Sir y Fflint a Wrecsam) yn ogystal â rhannau o ganolbarth Cymru, Swydd Gaer a Swydd Amwythig.

Y Bwrdd Iechyd yw'r sefydliad GIG mwyaf yng Nghymru a Lloegr ac mae'n cyflogi tua 16,000 o staff ac mae ganddo gyllideb o £1.2 biliwn. Mae'n gyfrifol am redeg tri ysbyty cyffredinol dosbarth (Ysbyty Gwynedd ym Mangor, Ysbyty Glan Clwyd ym Modelwyddan ac Ysbyty Maelor Wrecsam), yn ogystal â 20 o ysbytai cymunedol eraill a rhwydwaith o fwy na 90 o ganolfannau iechyd, clinigau, timau iechyd cymunedol ac unedau iechyd meddwl.

Mae hefyd yn cydlynu gwaith 114 o bractisau meddygon teulu a'r gwasanaethau GIG a ddarperir yng Ngogledd Cymru gan ddeintyddion, optegwyr a fferyllfeydd. Mae statws prifysgol y sefydliad newydd hefyd yn cynnig cyfle i atgyfnerthu cysylltiadau academiaidd â Phrifysgol Bangor a Phrifysgol Glyndŵr.

Trefniadau Rheoli

Mae'r Bwrdd Iechyd mewn cyfnod o drawsnewid yn ystod ad-drefnu ar hyn o bryd.

Mae'r Grwpiau Rhaglen Glinigol blaenorol bellach yn cael eu disodli â Chyfarwyddiaethau Gofal Wedi'i drefnu/ Heb ei Drefnu. Mae'r strwythurau rheoli yn dal i gael eu cwblhau yn ystod y cyfnod hwn o newid.

Mae Radioleg yn rhan o'r Gyfarwyddiaeth Gwasanaethau Clinigol a Reolir newydd, un o blith nifer sy'n cwmpasu'r elfennau gwasanaeth amrywiol. Mae'r Gyfarwyddiaeth Gwasanaethau Clinigol a Reolir hefyd yn cynnwys Patholeg, Awdioleg, Ffiseg Feddygol, Geneteg Glinigol a Niwroffisioleg. Mae'r gyfarwyddiaeth yn atebol am newidiadau o ran technoleg ac ymarfer ac yn ymdrin â gweithrediadau lleol yn ogystal â datblygiad strategol. Ceir Cyfarwyddwr Clinigol cyffredinol ar gyfer y Gyfarwyddiaeth a gefnogir gan Arweinwyr Clinigol ar gyfer Patholeg a Radioleg. Trwy'r Cyfarwyddwr Clinigol, rydym yn atebol i'r Cyfarwyddwr Meddygol Gofal Eilaidd.

Gwasanaethau Radioleg

Mae BIPBC yn darparu gwasanaeth meddygol gofal sylfaenol ac eilaidd cynhwysfawr i'r boblogaeth (ac eithrio llawdriniaeth cardiothorasisg, niwrolawdriniaeth a gwasanaethau trawma lefel 1). Mae ein canolfan atgyfeirio drydyddol ar gyfer trawma yn Stoke.

Mae lleoliadau'r gwasanaethau a ddarperir yn cael eu hadolygu ar hyn o bryd.

Mae'r Radiolegwyr yn cefnogi amrywiaeth eang o gyfarfodydd tîm amlddisgyblaethol ac mae ganddynt gydberthnasau gwaith da â'r arbenigeddau clinigol eraill. Mae'r uned radiotherapi yn Ysbyty Glan Clwyd ac mae cyfleusterau oncoleg meddygol ar wahân ar gael yn Ysbyty Gwynedd, Bangor ac yn Ysbyty Maelor Wrecsam.

Mae llyfrgelloedd ffilm adrannol a chyfleusterau ôl-raddedig llawn ar gael yn y tri ysbyty cyffredinol dosbarth.

Mae'r 3 ysbyty cyffredinol yn darparu gwasanaethau radioleg ymyriadol cynhwysfawr ar y safle. Bydd gwaith rhydweliol mawr yn cael ei ganoli yn Ysbyty Glan Clwyd o fis Ebrill 2019 ymlaen. Mae'r llwyth gwaith fasgwlaidd yn ymestyn o EVAR i angioplasteg goesol a chymorth i fynediad arenol. Mae llwyth gwaith Wroleg yn cynnwys PCNL, neffrostomi a stentio wretrig. Mae'r llwyth gwaith gastro-enterolegol yn cynnwys RIG, gwaedlif gastroberfeddol ac ymyrraeth i'r fustl. Mae cwmipas hefyd i ddatblygu gwasanaeth oncoleg ymyriadol yn y dyfodol.

Cynhelir cyfarfodydd amlddisgyblaethol rheolaidd yn y tri safle trwy fideo-gynadledda.

Staff Meddygol o fewn y Grŵp Rhaglen Glinigol Radioleg

Gorllewin (Ysbyty Gwynedd)

Enw	Swydd	Is-arbenigedd
Dr K Mitra	Meddyg Ymgynghorol	Arweinydd Clinigol Radioleg BIPBC / Radioleg Ymyriadol
Dr N C Barwick	Meddyg Ymgynghorol	Y Fron / Cyhyrysgerbydol
Dr A Kraus	Meddyg Ymgynghorol	Cyhyrysgerbydol
Dr H Godfrey	Meddyg Ymgynghorol	Radioleg Ymyriadol
Yr Athro M Rees	Athro Gwasanaethau Cardiofasgwlaidd	Cardiaidd
Dr M Pike	Meddyg Ymgynghorol	Cyffredinol / Gastroberfeddol
Dr A Gash	Meddyg Ymgynghorol	Y Fron

Dr U Nair	Meddyg Ymgynghorol	Oncoleg / Pen a Gwddf (3 sesiwn)
Dr G Sayer	Meddyg Ymgynghorol	Cyffredinol / Anadlol
Dr M Nedeva- Petkova	Meddyg Ymgynghorol	Cyffredinol / Anadlol
Canolog (Ysbyty Glan Clwyd)		
Dr E Kneale	Meddyg Ymgynghorol	Arweinydd Clinigol / Resbiradol / Gynaecoleg
Dr R Byrne	Meddyg Ymgynghorol	Gastroberfeddol Uwch / Cyffredinol
Dr P Travis	Meddyg Ymgynghorol	Delweddu Trawsadrannol / Cyffredinol
Dr N Archard	Meddyg Ymgynghorol	Meddygaeth Niwclear / Pen a Gwddf / Anadlol
Dr J Walsh	Meddyg Ymgynghorol	Cyffredinol
Dr M Gupta	Meddyg Ymgynghorol	Gastroberfeddol Is / Anadlol / Cardiaidd / Cyhyrysgerbydol
Dr E Favill	Meddyg Ymgynghorol	Gastroberfeddol / Cenhedlol-wrinol / Ymyriad Anfasgwlaidd
Dr U Nair	Meddyg Ymgynghorol	Meddygaeth Niwclear / Y Pen a'r Gwddf / Oncoleg / Cyffredinol
Dr O Rees	Meddyg Ymgynghorol	Radioleg Ymyriadol / Cyffredinol
Dr R Dixon	Meddyg Ymgynghorol	Gastroberfeddol / Cyffredinol
Dr S Virdee	Meddyg Ymgynghorol	Radioleg Ymyriadol / Cyffredinol
Dwyrain (Ysbyty Maelor Wrecsam)		
Dr P Govind	Meddyg Ymgynghorol	Arweinydd Clinigol / Niwroleg / Cyhyrysgerbydol
Dr D Parker	Meddyg Ymgynghorol	Cyffredinol / Y Fron

Dr M Elias	Meddyg Ymgynghorol	Anadlol / Cardiaidd
Dr S Agarwal	Meddyg Ymgynghorol	Radioleg Ymyriadol / Cardiaidd
Dr C Corr	Meddyg Ymgynghorol	Gastroberfeddol Is
Dr H J Patel	Meddyg Ymgynghorol	Cyhyrysgerberbydol
Dr M Powell	Meddyg Ymgynghorol	Y Fron
Dr S Muthu	Meddyg Ymgynghorol	Y Pen a'r Gwddf / Gynaecoleg
Dr R Dixon	Meddyg Ymgynghorol	Gastroberfeddol Uwch
Dr R Adapala	Meddyg Ymgynghorol	Cardiaidd / Cyffredinol / Gastroberfeddol
Dr P Shenoy	Meddyg Ymgynghorol	Y Fron / Cyffredinol

Mae pob meddyg ymgynghorol yn cyfrannu at lwyth gwaith cyffredinol yr Is-adran Radioleg.

Cofrestryddion

Mae pob adran yn cymryd cofrestryddion o drefniant cylchdro radioleg Gogledd Cymru, a gaiff ei oruchwylio gan Ysgol Radioleg Cymru. Mae cylchdro Gogledd Cymru yn cael ei gynnal mewn partneriaeth ag Ysgol Radioleg Mersi. Fel arfer, mae hyd at ddau gofrestrydd mewn adran bob amser. Maent yn cyfrannu at y rota ar alwad o flwyddyn 2 ymlaen.

Myfyrwyr Meddygol

Mae'r adrannau, ynghyd â'r ysbytai eraill a sefydliadau academiaidd yn y Gogledd, yn rhan o Ysgol Glinigol Gogledd Cymru. Mae gan nifer mawr o fyfyrwyr meddygol, o Gaerdydd yn bennaf ond hefyd o Fanceinion a Lerpwl, leoliadau clinigol yn y Gogledd mewn ysbytai a phractis cyffredinol.

Rhai o'r prif safleoedd atgyfeirio trydyddol

- Niwrolawdriniaeth – Walton (Lerpwl)
- Trawma Mawr – Ysbyty Athrofaol Gogledd Swydd Stafford

- Cardiothorasic – Ysbyty'r Galon a'r Frest Lerpwl
- Pediatreg – Alder Hey (Lerpwl)
- Tiwmorau sylfaenol yn yr afu – Ysbyty Athrofaol (Birmingham)
- Tiwmorau yn yr esgyrn – Ysbyty Athrofaol (Birmingham) drwy Groesoswallt

Cynllunio Swydd

Bydd yn ofynnol i ddeiliad y swydd gymryd rhan mewn ymarfer cynllunio swydd bob blwyddyn, sy'n nodi dyletswyddau, cyfrifoldebau ac amcanion y meddyg ymgynghorol ar gyfer y flwyddyn i ddod. Mae hyn yn cwmpasu pob agwedd ar ymarfer proffesiynol gan gynnwys gwaith clinigol, addysgu, archwilio, ymchwil, DPP a chyfrifoldebau rheoli. Caiff rhestrau clir o ymrwymadau mewnol ac allanol eu dogfennu ochr yn ochr ag amcanion personol. Mae'r broses yn cynnwys manylion am gysylltiadau ag amcanion gwasanaeth ehangach ac yn nodi'r cymorth sydd ei angen er mwyn cyflawni amcanion y cynllun swydd.

Dyletswyddau

Mae'r staff meddygol yn cyfrannu at reoli risg glinigol drwy fonitro digwyddiadau clinigol a chymryd rhan yn y cyfarfodydd anghysondebau adrannol. Mae cydymffurfio â pholisïau cwynion ac ymgyfreitha'r adran yn ffordd o reoli risg yn dda. Disgwylir gwaith cadw cofnodion da a disgwylir i feddygon ymgynghorol gymryd rhan mewn gwaith archwilio. Caiff gwaith ymchwil ei annog, yn enwedig os yw'n briodol i ddatblygiad proffesiynol yr ymgeisydd llwyddiannus a datblygiad gwasanaethau o fewn yr Is-adran. Mae cyfleoedd ymchwil wedi gwella ar ôl ennill statws Bwrdd Iechyd Prifysgol gan gysylltu â phrifysgolion Bangor a Glyndŵr. Mae'r Is-adran hefyd yn cyflogi dau Radiolegydd Ymchwil i gefnogi'r gwaith hwn.

Rhestr o gyfarpar

Mae gan bob ysbyty cyffredinol dosbarth ei gyfleuster CT ei hun, sganiwr MR sefydlog, camera gamma SPECT ac ystafell ymyriadol. Mae'r cyfleusterau hyn yn ychwanegol at amrywiaeth o gyfarpar fflworosgopi digidol, systemau DR gwifrog a Wi-Fi a chyfleusterau CR cynhwysfawr.

	Gorllewin Ysbyty Gwynedd	Canolog Ysbyty Glan Clwyd	Dwyrain Ysbyty Maelor
CT	Siemens Definition Edge 128 sleis Siemens Definition AS 64 sleis	Siemens Somatom Sensation 64	Toshiba Aquilion 1 – 320 sleis

Cyseiniant Magnetig	Siemens Magnetom Aera 1.5 Tesla	Siemens 1.5 Tesla - Avanto	Siemens 1.5 Tesla - Aera
Meddygaeth Niwclear	SPECT/CT – Siemens Symbia T16	GE Infinia SPECT Hawkeye CT	Spect/CT – Philips Precedence 16 sleis
Ystafell Ymyriadol	Philips Azurion 7M20 2018	Philips Azurion 7M20 2018	Siemens Axiom Artis Zee gyda Dyna CT

PACS

Mae system PACS Fuji ar waith yn y tri ysbyty cyffredinol dosbarth a'r holl safleoedd cymunedol. Y system hon, a osodwyd drwy'r BILL cyfan, yw'r cam cyntaf mewn cynllun a gaiff ei roi ar waith ledled Cymru yn y pen draw.

Mae'r system ei hun yn golygu y gellir gweld delweddau ac adrodd arnynt ym mhob un o'r ysbytai cyffredinol dosbarth mewn amgylchedd di-bapur sy'n meithrin mwy o arbenigedd ar draws safleoedd. Mae system arddweud ddigidol, a all adnabod lleisiau, wedi'i chynnwys hefyd.

Yn ogystal â'r archif Radioleg leol, mae'r system yn cynnwys archif XDSI er mwyn trosglwyddo a rhannu delweddau â Byrddau Iechyd a sefydliadau eraill ac mae hefyd yn golygu y gellir storio delweddau a gaiff eu cynhyrchu gan adrannau eraill heblaw am Radioleg, fel Cardioleg ac Wroleg.

Gweithgarwch ar gyfer CPG Radioleg yn ôl safle a modd

Is-adran	Modd CPG	201314	201415	201516	201617
Gorllewin	CT	9282	11279	13061	14693
	Fflworo ac Ymyriadol	3102	3057	2675	3009
	Mamograffeg	2968	3125	3044	2602
	MRI	4648	5487	5669	6332
	Meddygaeth Niwclear	1051	1217	1201	1056
	Ffilm Plaen	86116	90859	90561	92935
	Sgan uwchsain	27942	29961	31687	33410
	Cyfanswm	135109	144985	147898	154037

Canolog	CT	10713	11854	12937	14470
	Fflworo ac Ymyriadol	2298	2169	1991	2178
	Mamograffeg	1558	1648	2015	2062
	MRI	5419	5492	6355	6443
	Meddygaeth Niwclear	1291	1379	1302	1245
	Ffilm Plaen	87178	89432	88811	87885
	Sgan uwchsain	30321	31511	30837	32971
	Cyfanswm	138778	143485	144248	147254
Dwyrain	CT	11841	13400	15561	16905
	Fflworo ac Ymyriadol	3078	2813	3002	2885
	Mamograffeg	2337	2464	2434	2465
	MRI	5816	6245	7012	7571
	Meddygaeth Niwclear	1389	1305	1834	2291
	Ffilm Plaen	79010	80073	80411	80819
	Sgan uwchsain	33055	34747	37629	37929
	Cyfanswm	136526	141047	147883	150865

Anogir pobl â diddordeb i gysylltu â Dr Kakali Mitra ar 01248 384690 neu Kakali.mitra@wales.nhs.uk i gael rhagor o wybodaeth a/neu i drefnu ymweliad â'r ysbyty.